



Inatsisartunut ilaasortaq
Ruth Heilmann
/Maani

§ 37 naapertorlugu apeqqut nr 124-2014-imut akissut

24-06-2014
Suliap nr. 2014-101267
Dok. nr. 1616539

Naalakkersuisut sinnerlugit Ruth Heilmann apeqqutigisaanut matumuuna akineqartunut qutsavigaara.

Postboks 1029
3900 Nuuk
Oqarasuaat (+299)34 50 00
Allak.: +299 32 20 73
Email: liknn@nanoq.gl
www.nanoq.gl

1: Kangaamiuni Atuarfik kingusinnerpaamik 2015-mi nutartigassaasoq Inatsisartut Aningaasaqarnermut inatsimmi 2013-miikkaluartooq peerneqarsimanera sumit tunngaveqarpa?

2014-imut aningaasanut inatsimmiit konto pingaarneq 84.40.10, Kommunini atuarfiit, nutaamik aningaasaqarnermik aqutseriaatsimut nuunneqarpoq. Tamanna konto pingaarnermut missingersuutitut ilanngussani imatut allaaserineqarpoq:

"Atuarfinnik iluarsartuussinissanut atugassanik aningaasaliisoqarsinnaajunnaarpoq, suliassaqarfimmi 80-89-imi oqaasertaliussani nr. 3 naapertorlugu B-missingiummik suliarmullu siunnersuussiortoqareersimatinnagu. B-missingiut suliarineqareerpat aningaasaliissutit sinneri atugassanngortinneqassapput B-missingiut naapertorlugu. Suliniutit naammassineqaraangata allat aallartinneqartassapput Suliassaqarfimmut pilersaarummi tulleriaarinerit naapertorlugit, kontomi pingaarnermi matumani aningaasaliissutinik atugassanngortitsisoqassammat."

Taamaammat Kangaamiuni atuarfimmik atuarfinnilluunniit allanik iluarsaassinissat peerneqaratilluunniit kinguartiterneqanngillat. Konto pingaarnermi aningaasanik atorneqanngitsunik paasisaqartoqaraangat Inatsisartut Aningaasaqarnermut Ataatsimiititaliaat akuersissuteqarteriarlugu suliassanut aningaasat aalajangersimasut atugassanngortinneqartassapput atorneqartarlutillu.


"Nutaamik" aningaasaqarnermik aqutseriaaseqalernikkut siunertaavoq atuarfiit missingersuutitut ilanngussami takuneqarsinnaasutut pingaarnersiulluni tulleriaarineri sukkanerusumik naammassisagarfiunerusumillu iluarsaanneqartarnerisa qulakkeerneqarnissaat.

2. Maniitsumi aamma Atuarfik Kilaaseeraq 2017-mi nutarterneqarnissaminik inissisimanera aamma ukioq manna sektorplanemiit peerneqarsimanera sumit tunngaveqarpa?

Apeqqutigineqartooq 1-imut akissut innersuussutigineqassaaq. Soorluttaaq Kangaamiut atuarfiannut atuuttoq Atuarfik Kilaaseeqqap iluarsaanneqarnissaa peerneqanngilaq kinguartiterneqaraniluunniit, siunertamullu tassunga aningaasaliissutissat

atorneqarnissaat qinnutigineqassaaq konto pingaarneq 84.40.10-mi, Kommunini
atuarfiit, aningaasanik atorneqarsinnaasoqaleriarpat.

Inussiarnersumik inuulluaqqusillunga



Nick Nielsen